



者二十一月丙申西方有赤祲六年十二月  
壬申夜赤祲七年十月壬戌月初生有赤色  
如烈火八年正月丙子赤祲見于東西白氣  
見于南方三年丁亥西方有赤氣十年七月  
丁未紫氣如虹見于西北俄變爲黃漫空十  
一年二月壬午赤祲見于東方 忠定王三  
年十二月庚辰紫氣見于南方 恭愍王二  
年正月乙未紫氣見于東西七年正月己未  
夜紫氣自西北方騰上三月辛丑夜赤氣見

高麗史 卷五十三

六十一